

楚

辭

新

集

註

楚辭卷二

汝州 宗姪 啟賢編

蒲城 屈復 悔翁著曾孫 來泰錄

西泠 受業曹兆裔校

九歌

詩有寄托。非比賦興也。漢張衡定情、班婕妤團扇、曹植王粲三良、樂府去婦詞、六朝子夜等歌、唐宮詞、閨情、無題、古意、上而毛詩之有女同車、諸什、朱晦翁所謂淫奔之類者、或君臣朋友間、

言不能盡借酒杯澆塊礪言在此而意實在彼
隱乎字句之中躍乎字句之外千載下令人思
而得之無論賦比興俱可以寄托而寄託非賦
比興也三閭九歌即楚俗祀神之樂歌故性情
篇篇祀神而眷戀君國之意存焉若云某賦比
君某神比臣作者固未嘗一字明及之是在讀
者心領神會耳然則九歌也楚之通國皆可奏
以娛神者也必謂一人作之惟一人奏之則毛
詩以至漢魏三唐皆作者一人獨奏乎夫人而

可奏也何也。寄托也。非比也。隱乎字句之中。而躍乎字句之外也。後之君子其讀九歌也。必有

不河漢予言者

吉日兮辰良。穆將愉兮上皇。撫長劒兮玉珥。璆鏘鳴兮琳琅。

日謂甲乙辰謂寅卯。選吉日良時以祀神。即漢樂府練時日。穆敬愉樂。人欲樂乎神之心也。上皇謂東皇太一。撫循珥劍。鏘璆鏘皆玉聲。孔子世家云。環佩玉聲璆然。玉藻云。古之君子必佩玉。進則抑之退則揚之。然後玉鏘鳴也。琳琅美玉名。謂佩玉也。補曰。沈括存中云。吉日兮辰良。蓋相錯成文。則語勢矯健。韓退之云。春與猿吟兮秋鶴與飛。用此體也。

此節言主祭者卜日齋戒帶劍佩玉誠敬以迎神也。

瑶席兮玉璵盃將把兮瓊芳蕙肴蒸兮蘭藉奠桂酒
兮椒漿揚枹兮拊鼓疏緩節兮安歌陳竽瑟兮浩倡

瑶美玉璵與鎮同所以壓神位之席盃合將把奉持合瓊芳而奉持也肴骨體蒸進國語燕有肴蒸是也此言以蕙累肴而進之又以蘭爲藉奠置桂酒切桂投酒中漿者周禮四飲之一此又以椒漬其中也四者皆取其芬芳揚舉枹擊鼓拊擊疏通而不滯也即朱絲疏越之疏緩紆而不與禮記其樂心感者其聲彈以緩節者有節奏而不亂三名形容歌聲之妙所以爲安歌也陳列竽笙類三六黃瑟琴類二十五絲皆樂器浩倡洪大謂樂器陳列而衆聲交作也止言瑟竽舉二者以見餘

耳故曰鴻倡言
備極音樂也

此節言主祭者潔肴酒陳音樂誠敬以迎神也

靈偃蹇兮攸服芳霏霏兮滿堂五音紛兮繁會君欣

欣兮樂康

偃蹇美貌攸好服飾菲菲芳貌五音謂宮商角徵羽紛盛貌繁衆也謂神也總結上枹鼓三句欣欣喜貌康安也神樂乎人之誠敬也

此節言神降而饗其誠敬也

右東皇太一

太一神君天之尊神祠在楚東以配東帝故云

東皇、漢書云、天神貴者太一、太一佐曰五帝、中
宮、天極星、其一明者、太一常居也、淮南子曰、大
微者太一之庭、紫宮者太一之居、此篇言其
竭誠盡敬以迎神、神鑒誠敬而降而欣說安寧以
饗、人臣盡忠竭力愛君無已、而人君自鑒其誠
之意、寄托言外、可想而知也、

浴蘭湯兮沐芳華、采衣兮若英、

芳、芷華、采、五色采、榮而不實者謂之英、
浴蘭湯、沐香芷衣、采衣、如草木之英、

此節言自潔清以迎神也、

靈連蜷兮既留。爛昭昭兮未央。蹇將憺兮壽宮。與日月兮齊光。龍駕兮帝服。聊翱翔兮周章。

靈雲中君連蜷長曲貌留留天上爛光貌昭昭明
未央光爛天上無已時蹇詞憺安壽宮者神天上
人居處尚書大傳卿雲歌亦以日月星辰並言之
以類相從也易曰雲從龍此言雲駕龍尊題也
駕帝服至貴也龍駕以龍引車
帝謂上帝聊且周章猶周流也
此節言神之靈貴如此天上周流不易降也

靈皇皇兮既降。焱遠舉兮雲中。覽冀州兮有餘。橫四海兮焉窮。

靈謂神皇皇美貌降下焱去疾貌雲中神所居言
神一降即焱然遠舉不久留也覽望兩河之間曰

冀州有餘所望之遠不止一州宮極言須臾之間橫行四海無有窮極又翔遊周章也

此節言神降之遲而去之速也

思夫君兮太息極勞心兮慙慙

夫君謂神記曰夫夫是也慙慙心動貌

此節言竭誠敬以迎神不久留而去所以勞心無已也

右雲中君

謂雲神也亦見漢書郊祀志此篇言神既降而不久留故既去而思之不能忘也可以想見臣

子慕君之深意矣、

君不行兮夷猶。蹇誰留兮中洲。美要眇兮宜修。沛吾
乘兮桂舟。令沅湘兮無波。使江水兮安流。望夫君兮
未來。吹參差兮誰思。

君謂湘君、堯之長女、娥皇、爲舜正妃、舜陟方死於
蒼梧、二妃死於江湘之間、俗謂之湘君、湘旁黃陵
有廟、夷猶、猶豫、言既設祭祀、請而未肯來也、中洲
洲中水中可居者、曰洲、言其不來、不知其爲何人
而留也、要眇、好貌、修飾、沛、行貌、遙望、而見其如此
又似欲行也、吾爲主祭者之自吾欲其乘吾迎神
之桂舟而來、令沅湘無波、江水安流、似欲來而猶
未來也、參差、洞簫、風俗通云、舜作簫、其形參差不
齊、象鳳翼、望而未來、故吹簫以思之
言我之吹簫、非湘君之思而誰思乎、

此節言極其誠敬以望之而湘君不來也

駕飛龍兮北征。遭吾道兮洞庭。薜荔拍兮蕙綢。蓀橈

兮蘭旌。望涿陽兮極浦。橫大江兮揚靈。揚靈兮未極。

女嬋媛兮爲余太息。橫流涕兮潺湲。隱思君兮徘徊。

駕龍者以龍翼舟。遭轉洞庭大湖。在長沙巴陵廣
圓五百餘里。日月若出沒於其中。有君山。拍搏
壁。綢縛束蓀。香草橈。艇小楫。涿陽江。碕名極遠。浦
水涯。揚靈者。竭其精誠。極至也。嬋媛。見騷經。潺湲
流貌。隱。痛君。湘君。徘徊。隱側不安也。遙望見其駕龍
而北行矣。猶幸道經吾之洞庭。故蕙綢蓀橈以候
之。又於江碕望之。橫截大江。揚精誠以感格之。我
之精誠無盡。至於如此。湘君侍女。乃嬋媛而爲余
大息。侍女鑒其精誠。而湘君
不鑒。故思之。而至于流涕也。

此節言竭精誠而不能感湘君來降也。

桂。擢。兮。蘭。櫟。斲。冰。兮。積。雪。采。薜。荔。兮。水。中。搴。芙。蓉。兮。

木。末。心。不。同。兮。媒。勞。恩。不。甚。兮。輕。絕。石。瀨。兮。淺。淺。飛。

龍。兮。翻。翻。交。不。忠。兮。怨。長。期。不。信。兮。告。余。以。不。閒。

擢。揖。也。櫟。船。旁。也。桂。蘭。取。其。香。斲。斲。采。搴。皆。手。取。也。
薜。荔。緣。木。生。美。蓉。荷。花。生。水。中。瀨。湍。淺。淺。流。疾。貌。
翻。翻。飛。疾。貌。言。乘。舟。遭。盛。寒。斲。斲。冰。凍。紛。如。積。雪。
其。難。如。此。薜。荔。緣。木。而。今。采。之。水。中。芙。蓉。在。水。而。
今。求。之。木。末。其。相。左。如。此。心。異。則。媒。徒。勞。恩。不。深。
則。易。絕。其。不。能。強。合。又。如。此。我。疋。方。在。石。瀨。淺。淺。
水。湘。君。已。駕。飛。龍。翻。翻。而。去。矣。乃。歎。凡。交。不。以。忠。
則。其。怨。必。長。期。不。以。信。則。告。我。以。不。服。宜。乎。湘。君。
之。不。留。也。

此節歎息而言其所以不留之故也。

鼉騁驚兮江皋夕弭節兮北渚鳥次兮屋上水周兮
堂下捐余玦兮江中遺余佩兮澧浦采芳洲兮杜若
將以遺兮下女時不可兮再得聊逍遙兮容與

通早騁直馳驚亂馳弭按渚水涯次止周旋也玦
如環而有缺澧水出武陵充縣注於洞庭史記作
醴下女已見離騷逍遙容與皆遊戲閒暇之意此
言神既不來則我亦退而游息惟見鳥次水流而
已然湘君既不可見而捐玦江中遺佩澧浦將採
杜若以遺下女尚欲求合於萬一而今日之遇道
經洞庭尚有可合之意此時一失不可
可再得惟有從容待時或可復合也
此節終望其合也。

右湘君

竭誠盡敬、望之不來、則亦已矣、而揚靈流涕、至云心不同、恩不甚、交不忠、期不信、不怨湘君而自咎責、終望其合、可想其忠愛無已之心矣。

帝子降兮北渚、目眇眇兮愁予。嫋嫋兮秋風、洞庭波兮木葉下。登白蘋兮騁望、與佳期兮夕張。鳥何萃兮蘋中、習何爲兮木上。

帝子、謂湘夫人、堯之次女女英、舜次妃、韓子以爲娥皇正妃、故稱君女英、自宜降稱夫人、目眇眇、目盡也、愁予者、爲主祭者言、望之而目盡不見、使我愁也、一篇主句、嫋嫋、長弱之貌、秋風起、則洞庭生

波而木葉下矣。記時也。言不見帝子。但見秋風木葉。洞庭洪波耳。蘋草秋生。今南方湖澤皆有之。似莎而大。雁所食也。騁望縱目。佳佳人。謂夫人。張陳設言。向夕洒掃。而張旒帷也。萃集蘋水草。魚網。兩何字。怪異之詞。言既與佳期。夕張矣。所見之物。皆失其所。何也。

此節言目盡夕張。不見其來自生疑怪也。

沅有芷兮澧有蘭。思公子兮未敢言。荒忽兮遠望。觀流水兮潺湲。麋何爲兮庭中。蛟何爲兮水裔。朝馳子馬兮江皋。夕濟兮西澨。

遊。

沅澧皆水名。芷蘭香草。興也。公子謂湘夫人。思之而未敢言者。尊而神之。懼其瀆也。麋獸名。似鹿而大。濟澨。水涯。說文澨。埒增木邊土。人所居者。言沅則有芷矣。澧則有蘭矣。何我之思公子而獨未

數言耶、思之之切、至於荒忽而起望、但見流水之
源、援於是朝馳于馬至江皋、夕濟西滙迎之、所見
麋蛟、又失其所、何也、朝馳二句、當在麋何爲二句
上、此倒敘法、嫌與登蘋四句複也、兩次遠望、所見
皆失其所、疑其無來意也、其起興之例、正猶越人
之歌、所謂山有木兮木有枝、心悅君兮君不知、而
以芷叶子、以蘭叶言、
又隔句用韻法也、

此節言思之至於荒忽、及往迎之而所見又失所。
愈生疑怪也。

聞佳人兮召予。將騰駕兮偕逝。築室兮水中。葺之兮
荷蓋。蓀壁兮紫壇。匭芳椒兮成堂。桂棟兮蘭橈。辛夷
楣兮葑房。罔薜荔兮爲帷。擗蕙櫨兮既張。白玉兮爲

鎮。疏石蘭兮爲芳。芷葦兮荷屋。繚之兮杜衡。合百草
兮實庭。建芳馨兮廡門。九嶷續兮並迎。靈之來兮如
雲。

佳人謂夫人偕俱逝。往方在疑怪之時。忽聞召予。乃欲與使者俱往。喜而過望。故築室水中。以迎也。葦集。蓋覆集荷以覆也。紫紫貝。紫質黑點。壇中庭。荆布蘭木蘭。椽椽也。辛夷樹大連合抱。高數仞。其花初發如筆。北人呼爲木筆。其花最早。南人呼爲迎春。楣門戶上橫梁。葯白芷葉罔結。結以爲帷帳也。在旁曰帷。擗折折蕙以爲屋。樓聯鎮壓坐席者也。石蘭香草。疏布陳繚縛束。言以杜衡繚其屋也。馨芳之遠聞者。廡堂下周屋。合百草之花以實庭中。積芳馨以廡其門。總見水中之室。芳潔如是。所謂夕張也。九嶷山名。舜所葬。九嶷山神。續然來迎。二妃而衆神從之如雲也。

此節言忽聞召子喜而過望將築室水中央以迎湘夫人而舜復迎之以去則又不得見也

捐余袂兮江中遺余褋褋兮澧浦。搴汀洲兮杜若將以

遺兮遠者時不可兮驟得聊逍遙兮容與。

袂衣袖褋褋襦捐袂遺褋即捐袂遺褋之意然袂佩貴之而袂褋親之也江平遠者亦謂夫人之侍女以其既遠去而名之不可驟得自寬之詞言豈能一拍即合正無聊之極思也

此節不敢以迎之不來而遂絕望也

右湘夫人

此篇大旨與前篇同前篇四不字句自答責之

意此篇四何字句自疑怪之詞其不敢遂絕而終望其合之心則一也

廣開兮天門紛吾乘兮玄雲令飄風兮先驅使凍雨兮灑塵

天門上帝所居紫微宮門廣開者爲神將降也玄主祭者之自稱天玄而地黃大司命天神故乘玄雲知神將降而往迎也飄風同風凍雨暴雨灑塵以清道也
此節初迎神也

石迴翔兮以下踰空桑兮從女汝紛總總兮九州何壽夭兮在子

君與女皆指神。君尊而女親也。回翔盤旋空桑山名。總總衆貌。予者贊神而爲其自謂之稱也。此節言神既降而遂往從之。因歎其威權之盛。然天下生死也。九州人民之衆如此。何其壽夭之命皆在於已也。

高飛兮安翔。乘清氣兮御陰陽。吾與君兮齊遠導。帝之兮九坑。靈衣兮被被。玉佩兮陸離。壹陰兮壹陽。衆莫知兮余所爲。

乘猶乘車。清氣謂輕清之氣。御猶御馬。則兼清濁變化而言。齊速整齊而疾速導言。之通坑與岡同。謂山脊也。九坑者。周禮。九

閭霍山恒山也。被被長貌。一陰一陽言其變化循環無有窮已也。

此節言已得從神明登天極奉至尊。須臾器示。宇內但見神之靈衣玉佩威儀甚都。而衆卒其陰陽所爲也。

折䟽麻兮瑤華。將以遺兮離居。老冉冉兮既極。不寢近兮愈疎。乘龍兮麟麟。高駝兮冲天。結桂枝兮延佇。羌愈思兮愁人。

䟽麻神麻極窮寢漸䟽遠也。麟轉車聲與詩有車鄰鄰字同。

此節言神靈既去而不留。人壽幾何。河清難俟。故

使已延望而怨思如雲中君卒章之意也

愁人兮奈何。願若今兮無虧。固以命兮有當孰離合兮可爲。

無虧保守志行無損缺也

此節言人受命而生貧富貴賤各有所當孰可爲者或離或合帝實主之亦非太司命之所能爲而況人乎但順受其正而已

右太司命

周禮大宗伯以禋燎祀司中司命疏引星傳云

三台、上台曰司命、又文昌宮第四亦曰司命、故有兩司命也、迎神神至、方從之遊、而忽去不顧、老已至矣、安得不悲、然前云何壽夭、在子結云孰離合、可爲其知安命矣、

蘼蘭兮麋蕪、羅生兮堂下、綠葉兮素枝、芳菲菲兮襲予、夫人兮自有美子、蓀何以兮愁苦、

麋蕪、芎藭、葉名似蛇床而香、其苗四五月間生、葉作叢而莖細、其葉倍香、七八月開白花、羅生、言二物並列而生、襲及上四句、與下二句也、夫人猶言彼人、如左傳之言不能見夫人也、美子所美之人、蓀猶人以用、言彼神之心自有所美、而人何用愁苦哉、

此節以秋蘭起興而言人當安命也。

秋蘭兮青青。綠葉兮紫莖。滿堂兮美人。忽獨與余兮目成。

青青茂盛貌。言美人並會盈滿於堂而司命獨與我睨而相視。以成親好。結上文自有美于何以愁苦二句。此亦上二句與下二句也。

此節言神之獨予親好也。

入不言兮出不辭。乘回風兮載雲旗。悲莫悲兮生別離。樂莫樂兮新相知。荷衣兮蕙帶。僚而來兮忽而逝。夕宿兮帝郊。君誰須兮雲之際。

不言不辭乘風載雲而去新相知二句言方目成而遽去也倏然不言而來忽然不辭而去夕宿於天帝之郊不知其何所待於雲之際乎尤幸其有意願已也

此節言神之方親好而忽別離猶望其復合也

與女沐兮咸池。晞女髮兮陽之阿。望美人兮未徠臨

風。怳兮浩歌。

咸池星名蓋天池也晞乾也怳失意貌女及美人皆指神也

此節始猶望其來望而不來遂怳然而浩歌也

孔蓋兮翠旒。登九天兮撫彗星。從長劍兮擁幼艾。蓀

獨宜兮爲民正。

孔蓋以孔雀尾爲車蓋翠旂以翡翠羽爲旂旗撫
掃除也彗星妖星光芒偏指如彗者也懲挺拔之
意幼少艾美好語見孟子戰國策即指上美人正
平也言其威靈氣燄光輝赫奕又能誅除凶穢擁
護良善爲民
所取正也

此節言目成之好雖未能終登天之後尚望其爲
民之所取正也

右少司命

按前篇註說有兩司命則彼固爲上台而此則
文昌第四星歟前篇以安命結此篇以安命始
本無非分之想忽而親好忽而別離况兮浩歌

亦復何益。惟望其登天之後，不負目成之好耳。
暾將出兮，東方照吾檻。兮扶桑，撫余馬兮安驅。夜皎
皎兮既明，駕龍輶兮乘雷，載雲旗兮委蛇。怡長太息兮
將上，心低徊兮顧懷。羌聲色兮娛人，觀者憺兮忘歸。
暾，溫和而明。盛，吾主祭者。自吾檻，楯扶桑，見繫經
言吾見日出東方，照我檻楯，光自扶桑而來，即乘
馬以迎之。而夜即明也。輶，車轅。龍形曲似之。故以
爲輶。雷氣轉似輪，故以爲車輪。言乘此車而來，將
上時太息低徊，若有顧懷者。言
日出之遲，聲色二句總起下文。
此節日將出而迎之，猶未即出，而音容之盛，已令
觀者忘歸也。

絃瑟兮交鼓。簫鐘兮瑤簫。鳴鬴兮吹竽。思靈保兮賢嫄。翔飛兮翠曾。展詩兮會舞。應律兮合節。靈之來兮蔽日。

絃急張絃交鼓對擊鼓周禮有鐘笙之樂注云鍾笙與鐘聲相應之笙然則簫鐘與簫聲相應之鐘吹簫懸鐘磬之木瑤簫以美玉為飾鬴樂器名鍾以竹為之長尺四寸圍三寸一孔上出橫吹之靈保神巫翽小飛輕揚之貌曾舉又翽飛言巫舞工巧翽然若羣鳥之舉也展詩猶陳詩會舞猶合舞律謂十二律黃鍾大呂大簇夾鍾姑洗中呂蕤賓林鍾夷則南呂無射應鍾也作樂者以律和五聲之高下節謂其始終先後疏數疾徐之節也所謂聲色也靈來蔽日言日神悅喜於是來求從其官屬蔽日而至也

此節言聲色之盛見享日之誠敬而神至也以上
皆自夜而晝也

青雲衣兮白霓裳舉長矢兮射天狼操余弧兮反淪
降抗援北斗兮酌桂漿馳撰余轡兮高駝翔杳冥冥兮以
東行

青衣白裳日出東方入西方故用其方色以為飾
也天狼星名晉志云狼一星在東井南為野將主
侵掠弧九星在天狼東南天弓也主備盜賊淪沒
降下言日下而入太陰之中也北斗七星在紫宮
南其杓所建周於十二辰之舍以定十有二月對
酌元氣運乎四時者也詩曰惟北有斗不可以挹
酒漿操弧舉矢以射天狼歸而援北斗酌桂漿成
功者退日將入時也撰持兩余字皆祭者自稱杳

深冥幽言曰下太陰不見其光
杳杳冥冥直東行而復上出也

此節言成功者退自晝而夜送日歸也

右東君

禮曰天子朝日於東門之外又曰王宮祭日也
漢志亦有東君日者君象矢射天狼斗酌桂漿
明喻其赫赫威靈可以飲至策勲也

與女遊兮九河衝風起兮橫波乘水車兮荷蓋駕兩

龍兮騏螭

女指河伯河爲四瀆長九河徒駭太史馬頰復謫
胡蘇簡潔鈞磐鬲津也禹治河至兗州分爲九道

以殺其溢其間相去二百餘里徒駭最北昂津最南蓋徒駭是河之本道東出分爲八支也衝逐也螭如龍而黃無角

此節約河伯駕龍乘車以遊九河也

登崑崙兮四望心飛揚兮浩蕩日將暮兮悵忘歸惟

極浦兮寤懷

崑崙山名河出崑崙墟色白所渠并千七百一川色黃百里一小曲千里一曲一直寤覺懷思也

此節相約不至登高遠望而思之也

魚鱗屋兮龍堂通紫貝闕兮朱宮靈何爲兮水中

鱗屋龍堂貝闕朱宮迎河伯之所如此誠然乃居水中而不出何也龍堂以龍鱗爲堂也

此節久候不至疑而問之也

乘白黿兮逐文魚、與女遊兮河之渚、流澌紛兮將來、
下子交手兮東行、送美人兮南浦、波滔滔兮來迎、魚
隣隣兮媵予、

大驚為黿逐從也、予謂河伯交手者、古人將別則
相執手、以見不忍相遠之意、言一交手而即去也、
東行、順流而東也、美人、指河伯予、主祀者、媵送、既
別之後、惟見水波遊魚、如來迎送者、愈見寂寞也、
杜少陵、岸花飛送客、檣燕語留人、正用此法、

此節言一見即別、寂寞愈甚也、

右河伯

此篇言約九河之遊、龍堂貝闕、盡誠敬以迎之、而別易會難、不遂遊九河之約也、

若有人兮山之阿、被薜荔兮帶女羅、既含睇兮又宜笑、子慕予兮善窈窕、

若有人、想像山阿中如有人焉、謂山鬼也、阿、曲隅、女羅、兔絲、睇、微眄貌、美目眄然、又好口齒而宜笑也、子、謂主祀之人、予、山鬼自謂、窈窕、好貌、被薜荔、句、是山阿中之裝束、言山鬼以薜荔為衣、以女羅為帶、又含睇宜笑、因子慕予之窈窕而祀予、予將來也、

此節山鬼初欲從山阿來也、

乘赤豹兮從文狸、辛夷車兮結桂旗、被石蘭兮帶杜

衡折芳馨兮遺所思。余處幽篁兮終不見天。路險難兮獨後來。

出山阿而來所乘所從皆山中之獸車騎被帶皆山中之花草木葉所思也。子也靈修也公子也。君也皆謂主祀之人芳馨即上蘭桂之類。幽篁句山阿之僻遠險難句山路之崎嶇所以來後之故也。幽深篁竹叢被石蘭出山阿之裝束後來言其出之遲也。

此節來之獨後也

表獨立兮山之上。雲容容兮而在下。杳冥冥兮羌晝晦。東風飄兮神靈雨。留靈修兮憺忘歸。歲既晏兮孰華予。

表標也。晉語置茅莚設望表。註謂立木以爲表。表其位也。雲在下。羣鬼受祀。陰雲下聚。神靈雨。言鬼之靈雨。東風者。春日容容冥冥。東風靈雨。白日之鬼景也。山鬼既獨後來。故見望表已立山上。陰雲在山下。杳冥晝晦。東風靈雨。是羣鬼至已久矣。然子既慕我。我欲留於靈修。見祀之所而忘歸者。恐歲既晏晚。孰有再設華筵以留予者乎。

此節山鬼之享祀將去而有後念也。

采三秀兮於山間。石磊磊兮葛蔓蔓。怨公子兮悵忘歸。君思我兮不得閒。

三秀。芝草。公子。即靈修。爾雅茵芝。注云一歲三華。瑞草也。芝已二華。歲晏也。石。葛。句。山間荒涼之景。怨者。思極之反詞。非真怨也。悵。忘。歸者。采芝山間而忘歸也。不得閒。所以不華予也。歲宴而猶不華。

予往山間采芝將遺公子處荒涼之景思極而怨
至於忘歸轉念公子非不思華子但不閒耳諒之
也

此節因我之思公子之極而諒公子之思我也

山中人兮芳杜若飲石泉兮蔭松柏博君思我兮然疑
作

山中人亦鬼自謂然信疑不信至此又知其雖思
我而不能無疑信之雜也所飲者石泉所蔭者松
柏則所餐者杜若可知矣省一餐字飲食居
處皆香潔自修而至今不華子者然疑作也
此節重提山中人者深歎其寂寞荒涼至於如此
而猶芳潔自修不當疑而疑也

蕭思公子兮徒離憂。
雷填填兮雨冥冥。猿啾啾兮又夜鳴。風颯颯兮木蕭蕭。

填填雷聲。冥冥雨貌。啾啾小聲。猿。狝屬。離。罹。颯。颯。秋風聲。蕭蕭木落聲。此秋夜之鬼景也。歲既晏矣。果不華子矣。故思之而無已也。三句中無鬼字。而陰森之氣。令人如見其魂。如聞其嘯也。此節寫山阿幽篁之夜景。以見悲涼之極。而徒抱離憂於無已也。

右山鬼

此篇以山鬼自喻。文義明白。其言被服之芳者。自明其志行之潔也。其言容色之美者。自見其

才能之高也。子慕予之善窈窕者。言懷王之始
珍已也。折芳馨而遺所思者。言持善道而効之
君也。處幽篁而不見天。路險艱而又晝晦者。言
兄棄遠而遭障蔽也。欲留靈修之所而卒不能
者。言未有以致君之寤而復用也。知公子之思
我而然疑作者。又知君之初未忘我而卒困於
讒也。至於思公子而徒離憂。則窮極愁怨而終
不能忘君臣之義也。

操吳戈兮被犀甲。車錯轂兮短兵接。旌蔽日兮敵若

雲矢交墜兮士爭先

戈平頭戟犀甲以犀皮爲鎧考工記曰犀甲壽百年錯交短兵刀劍言戎車相迫輪轂交錯長兵不施故用刀劍以相接擊也司馬法曰弓矢圍矢矛守戈戟助凡五兵長以衛短短以救長蔽日若雲狀敵人之多矢交墜壯夫奮怒而爭先也相射流矢交墜壯夫奮怒而爭先也

此節言國殤初戰之猛勇忠義也

凌余陣兮躐余行左騃殪兮右刃傷
凌兩輪兮繫四馬捷王枹兮擊鳴鼓
捷天時懟兮威靈怒嚴殺盡兮棄

原塹

凌犯躐踐殪死埋輪繫馬示必死也援枹擊鼓言志愈厲氣愈盛也懟怨嚴威嚴殺猶言鏖戰痛殺

棄原塹骨骸棄於原塹也言已達值天之怒怒則
令被戮人教戮無遺拋棄原野終不懼也勇士不
忘喪元
之志也

此節言既敗之後勇猛忠義如故也

出不入兮往不返平原忽兮路超遠帶長劍兮挾秦
弓首雖離兮心不懲誠既勇兮又以武終剛強兮不
可凌身既死兮神以靈魂魄毅兮爲鬼雄凌雄
通韻

平原忽兮路超遠言不憚道路之遠帶劍挾弓即
操吳戈之意懲創艾首雖離而心不悔四句追述
其生前出兵之初立志如此下身既死方是戰死
後也魂魄死者之神靈不可凌承勇武剛強不可
犯神以靈言其魂必靈而不滅也毅爲鬼雄者毅
然爲百鬼之雄杰猶言死當爲厲鬼以殺賊耳

此節生則勇武剛強，忠義報國，死爲鬼雄，宜享祭祀於無窮也。

右國殤

謂死於國事者。小爾雅曰：無主之鬼，謂之殤。懷王時，秦敗屈匄，敗唐昧，又殺景缺。楚人多死於秦，此三閭所以深痛之也。

成禮兮會鼓，傳芭兮代舞；姱女倡兮容與。

會鼓，會衆樂而急疾擊鼓也。芭，與葩同，巫所持之香草，代更也。持以舞訖，復傳與人，更用之也。姱，好倡首，一人爲之倡而衆和之也。容與，態度從容，成禮者祀畢也。禮成而鼓樂傳舞並作也。至今猶然。

可想而知也

春蘭兮秋鞠長無絕兮終古

春蘭秋鞠舉物以見四時之變遷也長無絕永久不斷也終古已見騷經祝其千秋萬歲長享此祭言外祝楚之長存也

右禮魂

此篇乃前十篇之亂辭也九歌總一亂辭觀東方朔七諫王褒九懷王逸九思皆諸篇之後總一亂詞祖三閭之例也禮魂魂字疑爲成字傳寫之誤也予向亦作禮善終者解全無所據又

與本文不合存之以俟高明

此篇以神之尊卑爲敘次、今二氏水陸道場、諸神合享、鬼王另標一幡、即山鬼立表之義、至夕施食、國殤亦在焉、楚俗分合未可知、大小司命東君似不宜在湘君湘夫人後、然觀篇終會鼓傳芭三閭之作、則合祀也、夫借酒杯、澆礪塊、落墨於有章有句之中、致情於無形無聲之外、是在讀者心會別解耳、分合次序、抑亦末矣、

楚辭卷三

汝州 宗姪 啓賢編

蒲城 屈復悔翁新集註曾孫來泰錄

仁和 受業周世涵校

天問

天問者仰天而問也。忠直殫醢，讒佞高張。自古
然也。三閭抱此視彼，天地三光，山川人物，變怪
傾歎。及歷世之當亡而存，當廢而興，無不然者。
非天是問，將誰問乎？蕭條異代，尚欲搔首一一。

問之、而况抱痛者乎、然不可情原、不可義正、不可理論、不可言詮、不可事判、嗚呼、是之謂天問、王叔師云、文不次序、洪興祖云、豈可次序陳哉、然通篇起結、盡人了然、細玩中間、屢起屢結、次序井井、其爲錯簡明甚、因少校正、每見前人妄改古書、竊爲不可、豈可效尤、今仍列舊文於前、更定附後、維天下高明是正焉、

曰、遂古之初、誰傳道之、上下未形、何由考之、

遂、往、道、猶、言、上、下、謂、天、地、由、自、考、稽、也、問、往、古、之、初、未、有、天、地、固、未、有、人、誰、得、見、之、而、傳、道、其、事、乎、

何自稽考而知其溷沌之初乎

冥昭瞢闇誰能極之馮翼惟像何以識之

冥幽昭明謂晝夜瞢闇言晝夜未分極窮也馮翼又
氤氲浮動之貌淮南子云天陸未形馮翼又
曰未有天地惟像無形窈窕冥冥莫知其門止
承上問時未有人今何以能窮極而知之乎

明明闇闇惟時何為陰陽三合何本何化

明闇謂日月星辰溷沌初開時按說文二合天地
人之道也謂以陽之一合陰之二次第重之其數
三也言溷沌初開方明方闇時何物所為乎陰陽
變化天地以初生何者為本何者為化乎三與參
同謂陰陽參錯亦通

此節問溷沌之先初開之時也

圓則九重孰營度之惟茲何功孰初作之

圓謂夫形之圓則法也易曰乾元用九乃見天則九陽數之極所謂九天也謂孰經營而量度之惟

茲九重何人初作之

幹維焉繫天極焉加八柱何當東南何虧

荒

涯

幹說文曰較端杳則是車較之內以金爲荒而受軸者維繫物之廢天極謂南北極天之極紐常不動處譬則車之軸也蓋凡物之運者其較必有所繫然後軸有所加故問此天之幹維繫於何所而天極之軸何所加乎河圖言崑崙者地之中也地天下有八柱互相牽制名山大川孔穴相通素問曰天不足西北地不滿東南注云中原地形西北高東南下今百川滿濤東之滄海則南北東西高下可知故又問八柱何所當值東南何獨虧關乎言西北不虧而獨虧東南何也

九天之際安放安屬隅隈多有誰知其數

九天即所謂圓則九重者際邊放至屬附隅角也言天之邊際至於何處附於何處地之隅隈誰知其數乎

天何所沓十二焉分日月安屬列星安敵

沓合敵列也問天與地相接處合於何所乎十二辰誰所分別乎日月衆星安所繫屬誰敵列乎此節問天地既形之後也

出自湯谷次於蒙汜自明及晦所行幾里

次舍汜水涯書云宅嵎夷曰湯谷即湯谷也兩雅云西至日所入爲大蒙即蒙汜也朝出湯谷夕入蒙汜自朝至夕所行幾里乎

此節專問日也

夜○光何德死則又育厥利維何而顧菟在腹○

夜光月死其晦育生也言月有何德乃能死而復生月有何利而顧菟常居其腹乎顧菟月中兔名梁簡文水月詩云非關顧兔沒隋表慶和湯帝月夜詩云顧兔始馳光皆指月言以兔本善視故禮曰兔曰明視而月腹之兔名爲月魄則又善於下顧故古怨歌云笑笑白兔東走西顧若以顧爲瞻顧之意而非兔名則梁戴嵩月重輪行云從來看顧兔俚語云視顧兔而感氣於顧上又加看字加視字其可通乎若漢上官桀云逐麋之犬當顧兔耶則顧字不屬兔此就凡兔言而以証顧兔誤矣古人引古事各自爲說如詩燕燕本兩燕故曰顧顧曰下上而漢書燕燕尾涎涎作燕名鴛斯斯字本助辭故曰鹿斯曰柳斯而斯姦姦斯又作姦名類可見也愚按顧兔二字起於天問前無出處

則後之凡二字皆木天照又字書顧回視也思念
也着也語辭也則作免名解固通作者懸意解亦

此節專問月也

女岐無合夫焉取九子伯強何處惠氣安在

女岐神女無夫而生九子伯強大癘疫鬼所至傷
人惠順也惠氣謂和氣也此節與上下文不登

錯簡也當在後
文人物條內

何闔而晦何開而明角宿未旦曜靈安藏

闔開戶闔闔戶角亢東方星代東方二字也旦明
曜靈日何所開闔而為晦明且東方未明之時日

安所藏矣
精光乎

此節專問晦明也。以上問日月星辰皆天上之事。

不任汨鴻師何以尚之。常僉曰何憂何不課而行之。

鮌事見尚書汨治鴻大水師衆尚舉僉衆課試也。問鮌才不任治鴻水衆人何以舉之。堯知其不能而衆人以爲無憂堯何不且小試之。而遽行其說也。問天上事即當接問地下山川人物乃先問治水者。不惟水平地成始顯山川人物且文法太直。故略用一間論者以爲文無次序試看離騷經與遠遊諸篇用東西南北皆此法也。

鴟鵂曳銜鮌何聽焉。順欲成功帝何刑焉。

經言鮌陞洪水傳云鮌障洪水國語言其墮高漫。果詳其文勢似謂鮌視鴟鵂曳尾相銜因築高城。長堤以障洪水耳。程子曰今河北有鮌堤而無馬。堤通志堯封鮌爲崇伯使之治水迺興徒役作九

仍之城。又淮南子鮌作三代之城。諸侯悼之。史籍張儀依龜跡築蜀城。非猶夫崇伯之智耶。皆可謬言。曳銜之法。鮌何為而聽從。順此法而治水。未必不成功。帝何為而遽加刑乎。

永遏在羽山。夫何三年不施。伯禹腹鮌。夫何以變化。

永長遏猶禁止。羽山在東海中。施謂刑殺之也。左傳曰。乃施邢侯。公羊註。古人疑獄三年而始定。三年不施。永不施矣。禹鮌子腹懷也。詩出入腹我。鮌功不成。何但囚之羽山而不施以刑乎。禹自少小習見鮌之所為。何以能變化而有聖德乎。

纂就前緒。遂成考功。何續初繼業。而厥謀不同。

纂集緒絲端也。祭法云。鮌障洪水而殛死。禹能修鮌之功。史記云。禹傷父鮌之功不成。由此觀之。則鮌亦非全無功者。特未成耳。此問禹能纂就鮌之遺業而成父功。何繼續其業而謀乃不同乎。

洪泉極深何以竄之地方九則何以墳之

洪泉即洪水九則謂九州之界如上所謂園則也墳檀弓註土之高者按字書大防也所以扞水洪水汎濫禹何用竄塞而平之乎九州之大何以能盡舉而墳之乎

應龍何畫河海何歷

有鱗曰蛟龍有翼曰應龍歷過也山海經曰禹治水有應龍以尾畫地即水泉流通言應龍何爲以尾畫地而令水泉流通乎既有應龍尾畫矣禹又何用歷河海而治之乎

鯀何所營禹何所成

山海經鯀竊帝之息壤以堙洪水鯀既竊息壤矣又何曳銜之營爲乎禹既有應龍畫地矣又何功之乎

此節問鮌禹治水之事也。以上天平地成皆鮌禹之功。以下方問地理也。

康回憑怒，墜何故以東南傾。

康回，共工名。憑，盛也。列子曰：共工氏與顓頊爭爲帝，怒而觸不周之山，折天柱，絕地維，而天傾西北，日月星辰就焉。地不滿東南，百川水潦歸焉。註：非堯時共工也。言何故不傾地之西北而獨傾地之東南乎。

九州安錯，川谷何洿，東流不溢，孰知其故。

錯，犬牙相錯。洿，深也。水注海曰川。注川曰谿。注谿曰谷。言九州何爲而犬牙相錯，川谷何爲而極深百川日夜東流，而東海何爲不溢，孰能知其故乎。

東西南北其脩孰多南北順墮其衍幾何

脩長墮狹而長衍餘也此問四方長短若何若謂南北狹而長則其長處所餘又計多少乎

崑崙縣圃其尻安在增城九重其高幾里

崑崙縣圃見豎經崑崙據水經在西域一名阿耨達山河水所出尻丘刀切平聲說文雕也增韻脊骨盡處問崑崙至高其下必有托根之所今安在乎縣圃增城高廣之度其高幾里乎

四方之門其誰從焉西北辟啓何氣通焉

王註云天四方各有一門其誰從之上下天西北之門每常開放豈元氣之所通淮南子云崑崙虛旁有四百四十門又其西北隅開門以納不周之風不周山在崑崙西北則此解爲近問崑崙之四門有誰從而入焉西北之門辟故是何氣而長通焉

口安不到燭龍何照羲和之未揚若華何光

山海經灰野之山有樹青葉赤華名曰若木日所
入處淮南子若木在建木西末有十日其華下照
地羲和日御山海經淮南子皆云天之西北幽冥
無日之國有龍銜燭而照即燭龍也其有日處日
未出時又有若木赤華照地也問日光彌天其行
匝地固無不到之處燭龍又何照焉日未出時若
華又何光焉同一大地
光之不均如此何也

何所冬暖何所夏寒

問何爲而有所冬暖何爲而有所夏寒同一大地
而寒暖不均如此何也遠遊南州炎德桂樹冬榮
又大招南有炎火千里又招魂北方層冰峨峨飛
雪千里又代水不可涉天白灝灝寒凝凝楚詞中
已自註明矣若拾遺記淮南水經註諸書不須更引

以上皆問地也

焉有石林何獸能言

焉何也按海外紀云石林山在東海之東深洞五百里石有五色笋立成林杜詩赤日石林氣用此又蜀地志蜀山有石笋如林亦名石林禮曰猩猩能言不離禽獸石本不能如木成林今何為而成林獸本不能如人能言今何為而能言乎

焉有龍虬負熊以遊

外紀黃帝氏有熊嘗乘斑龍四延又世言有熊鼎成乘龍上升皆是也言何得有此龍虬而能負有熊以遊乎

雄噓九首儵忽焉在何所不死長人何守

載

靡

虺蛇屬爾雅云博三首大如擘儵忽急疾貌招
魂說南方之害雄虺九首往來儵忽正謂此也
死之人括地象云有不死之國山海經淮南子
屢言之長人國語山川之守足以綱紀天下者
守為神客曰防風氏何守也仲尼曰汪芒氏之
守封嵎之山者也於周舊長我今為大人客曰
長幾何仲尼曰長者不過十之數之極也註十
三丈則防風氏也山今在湖州武康縣言雄虺
為而九首往來儵忽果何在在乎不死
之人生何所乎所謂長人果何守乎

靡

萍九衢泉華安居靈蛇吞象厥大何如

靡萍蔓蘋也其葉九出為九衢呂覽曰菜之美者
崑崙之蘋蘋即萍也又釋氏說崑崙崙崙山下有萍沙
國其地產萍即靡萍王巾頭陀寺碑有云九衢之
草千計是也沈約郊居賦舒翠葉而九衢開丹花
而四照八詠詩彫芳卉之九衢實靈茅之三脊皆
以九衢與三茅琪花對見皆仙草可知梁元帝為

妾弘夜珠謝東宮賚合心花釵啟曰夜珠昔往陽
臺雖逢四照曾遊澧浦慣識九衢竟以九衢為水
中之草矣按字書萍作萍非本字也又蘋大萍也
山海經浮山有草其葉如泉而赤花以上二者皆
仙草食之不死今皆何在平山海經有蛇吞象三
年然後出其骨言象大極矣蛇又能吞之其蛇之
大果何如乎

黑水玄趾三危安在延年不死壽何所止

書道黑水至於三危入於南海西京賦云乃若昆
明靈池黑水玄趾因黑水所渚原名玄趾故記載
有其名漢宮亦擬其形也又廣博物志黑河之藻
可以千歲三危之露可以輕舉素問曰真人壽敝
天地無有終時至人益其壽命而強亦歸於真人
聖人形體不敝精神不散亦可以百數言黑水三
危皆在何處乎藻露皆可延年其壽將何所止乎

鯪魚何所。魋堆焉處。羿焉蹕日。鳥焉解羽。

山海經曰。西海中近列姑射山。有鯪魚。人面人手。魚身。見則風濤起。北號山有鳥。狀如雞。而白首鼠足。名曰魋雀。食人。按字書。鵠音堆。雀屬也。魋堆即魋雀也。歸藏易云。羿蹕十日。說文云。蹕射也。淮南言。堯時十日並出。草木焦枯。堯命羿仰射十日。中其九日。日中九鳥皆死。墮其羽翼。故留其一曰也。又云。羿除天下之害。死而為宗布。註古之諸侯。非有窮后羿也。春秋元命苞。三足鳥者。陽精也。問鯪魚。魋堆皆在何處乎。羿何能射日。鳥何處解羽乎。

以上問山川人物奇怪之類也。

禹之力獻功。降省下土方。焉得彼僉山女。而通之於

台桑。

降下省察也書曰惟荒度土功又曰娶於塗山辛
 壬癸甲杜預云塗山在壽春東北文字音義云今
 亘州當塗也呂氏春秋曰娶塗山氏女不以私害
 公自辛至甲四日復往治水問禹以勤力獻進其
 功堯因使省察下土四方是禹志在治水而不在
 後嗣矣馬得彼兪山氏之女而通夫婦之道於台
 桑之地乎

閔妃匹合厥身是繼胡為嗜不同味而快鼃飽朝脩

閔憂也左傳嘉偶曰妃說文嗜欲喜之也四日而
 去猶人皆一日三餐而禹獨以鼃飽為快也問禹
 所以憂無妃匹者欲為身立繼嗣也乃四日而去
 與人之三餐不同而獨快朝飽又似不以繼嗣為
 念何也

啓代益作后卒朕離蠶何啓惟憂而能拘是達叠

益禹賢臣作為后君離遭孽憂惟居謂居禹之喪也禹以天下禪益天下皆去益而歸故是代益作后益卒不得立是離憂也拘執達通也炎帝繼太昊高陽繼金天高辛繼高陽虞繼唐夏繼虞皆以

皆歸姓相禪而無害厥躬何后益作華而禹播降姓相禪而益獨離憂故獨以居憂自王忽以

行、窮、猶極也后君有爵土之稱書稱后發后稷是也華背也益烈山澤禹平水土是禹益之行皆歸至極又豈有害於其躬者乃民卒背益而歸故惟禹之德獨播降於衆何也

啓棘賓商九辯九歌何勤子屠母而死分竟地

九辯九歌已見騷經山海經夏后開土三嬪於天得九辯九歌以下朱紫陽云竊疑棘當作夢商當作天以篆文相似而誤也屠母淮南云禹治水時自化為熊以通輶輶之道塗山氏見之而慙遂化

為石時方孕啓禹曰歸我子於是石破北方而啓
 生其石在嵩山見漢書注竟地即化石也問啓夢
 上賓於天而得帝樂以歸繼禹之後是克
 勤之子矣乃屠母而至於死分竟地何也

以上問禹啟父子相繼之事也

帝降夷羿革孽夏民胡歟夫河伯而妻彼雒嬪

帝天帝夷羿諸侯弑夏后相者華更孽憂也傳曰
 河伯化為白龍遊於水旁羿見射之眇其左目羿
 又夢與雒水神處如交問天帝既降羿除后相之
 荒淫革夏民之憂矣而又射河伯妻雒嬪荒淫尤
 甚何

馮珧利決封豨是歟何獻蒸肉之膏而后帝不若

馮滿言引滿也珧弓名爾雅弓以蜃者謂之珧珧
 蜃甲也射禮有決注云決猶問也以象骨為之珧著

右大擘指以鈎弦開體也封大豨豕馬融費成
豨封豨是也膏脂后帝天帝若順也問帝既降
付以神射乃獻豨膏而天帝又不順何也

浞娶純狐眩妻爰謀何羿之狀革而交吞揆之

寒浞見騷經眩惑爰居也浞妻純狐氏女謀計二
人對議也狀革禮所謂貫革之狀左傳所謂蹲甲
而狀之徹七札焉言有力也吞滅揆度也問突
浞自惑純狐之女而又謀殺羿以彼后羿之狀
勇力疑無敵矣而其眾乃交進而吞謀之何也

阻窮西征巖何越焉化為黃熊巫何活焉

按左傳魏莊子曰后羿自鉏遷於窮石又帝王紀
云帝羿有窮氏其先世封於鉏羿自鉏遷於窮石
逐帝相徙於商邱依斟灌斟鄩氏據地志故鉏城
在滑州衛城東商邱在東郡濮陽晉地記云河南

有窮谷蓋本有窮氏所遷也。斟灌斟鄩皆在東極古隅夷地以商邱二斟較之有窮在西。又竹書大康仲康帝相皆依二斟。又汲古文云太康居斟鄩羿亦居之。由此觀之則阻當作鋤窮有窮國也。巖古險字如傳巖史作傳險是也。越過也。問羿自鉏還窮其險亦無過於鉏者而急於西征爲浞所滅何也。左傳言鮌化爲黃熊國語作黃能按熊獸名能三足熊也。以鮌之殛化爲黃熊是已死矣而巫又能活焉何也。蓋當時必有巫能下羿之神者。左傳神降於野即此類。

以上皆問羿浞亂夏之事也。末四句總結。

咸播秬黍。莆藿是營。何由并投。而鮌疾脩盈。

秬黍黑黍。說文黍禾屬而黏也。莆疑即蒲字。蒲水草與荻同。并並同。即逐也。言逐而投之羽山也。脩盈長滿。營經營播種也。莆藿亦云種者。猶逸周書所云潤濕不穀樹之竹葦莞蒲是也。問禹平治水

土播種百穀其功大矣宜其益父之愆乃鮐已進
之羽山而惡聲長滿於世孝子慈孫不能改其惡
名何也

白蜺嬰茀胡爲此堂安得夫良藥不能固臧天式從
橫陽離爰死大鳥何鳴夫焉喪厥體

列仙傳云崔文子學仙於王子儵子儵化爲白蜺
而嬰茀持藥與之文子驚怪引戈擊蜺因墮其藥
俯而視之子儵之尸也須臾化爲大鳥飛鳴而去
問王子化蜺茀而來文子之堂何也文子得藥而
不能固臧何也王子得天道從
橫之仙術乃死而化鳥何也

萍號起雨何以興之撰體脅鹿何以膺之

萍萍醫雨師名號呼興起也問萍醫號曰雨師何
以能興雨乎天撰十二神鹿一身八足兩頭鹿有

何德膺受
此形體乎

鼃戴山抃何以安之、釋舟陵行、何以遷之、

鼃大龜、擊手曰抃、例仙傳曰有巨靈之龜、背負蓬萊之山而抃舞、事亦見列子、釋舟陵行、曳舟而陸行也、遷移、即行也、書曰罔水行舟、論語曰、暴虎馮魚、問龜負山而舞、何以能不陸乎、曳舟而就陸、何以能行乎、

惟澆在戶、何求於嫂、何少康逐犬、而顛隕厥首、女岐縫裳、而館同爰止、何顛易厥首、而親以逢殆、

澆、泥之子、澆無義、淫泆其嫂、往至其戶、佯有所求、因與淫亂、夏少康因田獵、放犬逐獸、遂襲殺澆而斷其頭、顛、倒、墮、墜、女岐、即澆嫂也、言女岐與澆淫泆、爲之縫裳、於是共舍而宿止、少康夜襲得父岐

頭以爲澆因斷之故云易首親以達殆指遂犬頭
首言也問少康欲殺澆而誤殺女岐則澆既寔之
而可免矣乃不能免何也

湯謀易旅何以厚之覆舟斟尋何道取之

湯本康字謂少康斟尋國名杜預云斟灌斟尋夏
同姓諸侯相失國依於二斟爲澆所滅其子少康
爲虞庖正有田一成有衆一旅遂滅過澆祀夏配
天不失舊物旅謂一旅五百人也覆舟言夏后相
已傾覆於斟尋之國今少康以何道而能復取
澆乎問少康以一旅而興天何以獨厚之乎

桀伐蒙山何所得焉妹喜何肆湯何殛焉

桀代蒙山之國而獨得妹喜何也因
此肆情而爲湯所殛放之南巢何也

舜閔在家父何以鰥堯不姚告二女何親

閔憂無妻曰鯀姚舜姓問舜孝如此父不為之娶何也堯不告其父母而妻舜二女何也蒞醫何以能與兩神鹿何以具異體鼈何以能負山而舞界何以能陸地行舟少康以虞之庖正何以能取澆與夏桀何以伐蒙山而為湯所殛舜何為不告而娶得堯之天下而為帝皆不可解之事也

厥萌在初何所意焉璜臺十成誰所極焉

計

萌牙初始言始興之時也論語曰億則屢中璜美玉成重也淮南云桀紂為璇室瑤臺極盡也言後之亡也問一代之始興何能預度乎一代之亡誰使之盡乎此四句總起下文女帝虞舜歷代之興廢也

登立為帝執道尚之女媧有體孰制匠之

世紀云炎帝母任姒有倚氏女名女登春秋元命苞云安登遊於華陽生神農焉登立為帝言發之

所立則爲帝也神農以前有氏號而不稱帝稱之
自炎帝始何道尚之者問登之所立獨稱帝者以
何道而尊尚之如此乎傳言女媧人頭蛇身一日
七十化其體如此問誰所制匠而圖之乎按周
禮外史有掌五帝書者孔安國鄭康成皆謂五帝
之稱自少昊始史記亦云自黃帝始皆後於炎帝
獨易大傳云自伏羲始若在炎帝先者但伏羲從
無帝名則伏羲與炎帝雖有稱三皇者總之帝名
則自炎始也若其並以媧則女媧創帝然帝又
創女故並著也是登者帝之始媧者女帝之始也
上古立國名本女氏如伏羲本華胥黃
帝本附寶契本有娀后稷本有邰是也

舜服厥弟終然爲害何肆犬豕而厥身不爲敗

服事也問舜弟象施行無道舜猶服而事之然象
終欲害舜肆其犬豕之心燒廩浚井然舜爲天子
卒不誅象何也
說見下眩弟章

吳獲迄古南嶽是止孰期去斯得兩男子

迄終猶離騷所謂終古南嶽是止泰伯仲雍采藥南嶽斯此指南嶽也問吳之得以終古者以泰伯仲雍采藥南嶽故得去此南嶽而至荆蠻為勾吳耳孰能期料其伯仲去此南嶽而得此兩男子有勾吳以終古乎是時吳已滅其曰終古者言吳名長存也按史記吳越春秋皆云泰伯至荆蠻自號勾吳又史記索隱云吳名起於泰伯前此未有吳也

緣鵠飾玉后帝是饗何承謀夏桀終以滅喪

后帝謂殷湯伊尹始化因緣烹鵠鳥之羹修玉鼎以事湯湯賢之遂以為相承用其謀而伐夏桀終以滅桀也問以割烹之人極其卑賤而能承謀滅桀何也

帝乃降觀下逢伊摯何條放致罰而黎服大說

致

帝謂湯、繫伊尹名、條鳴條也、書云、伊尹相湯伐桀、遂與桀戰於鳴條之野、又云、造攻自鳴條、朕載自亳、注、鳴條在安邑之西、史記、桀敗於有城之虛、犇於鳴條、此言條放者、自鳴條放之也、致罰者、湯誥所謂致天之罰也、黎、羣黎百姓、問湯觀風俗而逢伊尹、遂用其謀、伐桀於鳴條而放之、南巢以臣伐君、古今大逆不道、而天下衆民、乃大喜悅、何也、

簡狄在臺、嚳何宜、玄鳥致貽女、何喜、

簡狄、帝嚳之妃、玄鳥、燕、貽、遺也、言簡狄侍帝嚳於臺上、有飛燕墮、遺其卵、喜而吞之、因生契也、詩云、天命玄鳥、降而生商、湯之先祖、有娥氏女簡狄、配高辛氏、天使軋下而生商者、謂軋遺卵、簡狄吞之而生契、爲堯司徒而有功、封之於商也、問嚳何爲而與簡狄相宜、女何爲喜、遺卵而吞之也、

該秉季德、厥父是臧、胡終弊於有扈、牧夫牛羊、

該備秉持季主父謂禹臧善也終弊者故初有天
下有扈首亂是竟爲所弊也、有扈國名、牧夫牛羊
倒句、猶云牛羊牧夫也、蓋有扈初爲牧豎、然後得
國、故下文又云、有扈牧豎云何而逢也、問中多有
不著名者、如緣鵠飾玉、會鼂爭盟、不魯著伊尹武
王也、問啟備持禹之末德、惟其父之善是善、而竟
弊於牛羊牧夫之有扈何也、馮衍云、訛夏啟
於甘澤兮、賜帝典之首傾、猶終弊之意也、

干協時舞何以懷之平脅曼膚何以肥之

書云、三旬苗民逆命、帝乃誕敷文德、舞干羽於兩
階、七旬有苗格、干盾協合、時是言、舜以干羽合是
舞於兩階而有苗格也、平脅曼膚、肥澤之貌、帝王
世紀、舜長六尺、孝經、援神契、舜龍顏重瞳、大口、維
書靈準聽、有人方面、日衡重華、握石椎、懷神珠、問
舜舞干羽於兩階、而何能格有苗乎、舜陶河濱、漁
雷澤、耕歷山、不得於親、當懷憂癯瘦、何反
肥盛若斯乎、猶陳平傳云、平何食而肥也、

有扈牧豎云何而逢擊牀先出其命何從

豎童僕之未冠者有扈氏本牧豎之人因何逢遇而得爲諸侯乎故又有扈之時親擊其牀而有扈已先出矣其命果何所從出乎

恒秉季德焉得夫朴牛何往營班祿不但還來

流

季德帝嚳之末德也越絕書曰湯獻牛荆之伯之伯者荆州之君也湯行仁義敬鬼神天下未從乃飾犧牛以事荆伯荆伯乃愧然曰失事聖人禮乃委誠心往營班祿者謂分之荆伯也不但還來其獻牛非尋常往來之禮也問湯恒秉帝嚳之末德自然當有天下而乃以朴牛營求往來遂滅夏而何也

昏微遵迹有狄不寧何繁鳥萃棘負子肆情

昏微遵迹、謂紂遵夏桀危亡之迹、桀以妹嬉、紂以
妲己也、有狄、謂簡狄、寧安也、謂簡狄在天之靈、亦
不安也、繁鳥二句、言紂之肆情、妲己如繁鳥之詩、
夫也不良、國人知之矣、列女傳、晉大夫解居父聘
宋過陳、遇采桑之女、止而戲之、曰、女爲我歌、我且
舍女、乃爲歌曰、墓門有棘、有鴉萃止、夫也不良、國
人知之、繁當作驚、廣雅曰、鴉驚鳥也、負婦古通用、
如許、婦史記作許、負是也、此問商始以婦人而與
終以婦人而亡、何也、

眩弟並淫、危害厥兄、何變化以作詐、而後嗣逢長、

眩弟、惑亂之弟也、問象欲殺舜、變化作詐、其罪重
大、而舜爲天子、不正其罪、反封象於有庠、後嗣子
孫得長爲諸侯、何也、

成湯東巡、有莘爰極、何乞彼小臣、而吉妃是得、

有莘國名極至也小臣謂伊尹左傳以後稷之妃
為吉人與此吉妃同意謂湯東巡至於有莘本乞
彼伊尹小臣而乃得吉善之妃何也

水濱之木得彼小子夫何惡之媵有莘之婦始

小子謂伊尹送女從嫁曰媵伊尹母姬身夢神女
告之曰白竈生龜亟去無顧居無幾何白竈中生
龜母去東走顧視其邑盡為大水母因溺死化為
空桑之木水乾之後有小兒啼水涯人取養之既
長大有殊才有莘惡其從木中出明以送女問
生空桑得水濱神奇之甚乃惡而媵婦何也

湯出重泉夫何辜尤不勝心伐帝夫誰使挑之

太公金匱桀怒湯以諛臣趙梁計名而囚之均臺
真之重泉湯乃行賂桀遂釋之挑撥也伊尹說湯
以至味口天子然後可具以味挑也奔夏三年反
報於亳曰桀逃於妹嬉好彼琬琰以謀挑也重泉

地名前漢志左馮翊有重泉史記云夏桀不務德
百姓弗堪乃召湯而囚之夏臺已而釋之即重泉
也言桀拘湯於此而復出之湯既得出本不勝心
伐桀是誰使挑湯以伐之乎問伊尹以水濱之小
子遂能挑湯
上夏何也

會鼂爭盟何踐吾期蒼鳥羣飛孰使萃之

踐履詩云肆伐大商會朝清明箋會合也蒼鳥鷹
也詩曰惟師尚父時維鷹揚問孟津之會八百諸
侯不期而踐此期者何為乎將士
勇猛如鷹鳥群飛乃誰使聚之乎

列擊紂躬叔旦不嘉何親揆發定周之命以咨嗟授
殷天下其位安施反成乃亡其罪伊何

叔旦武王弟周公嘉善揆度也發武王名史記武
王至紂死所射之二發以黃鉞斬其頭懸之太白

之旗此所謂列擊紂躬也。咨嗟者周公雖佐發定命非其本心以臣伐君懸之太白白古今大惡位天子之位施用成全也。問周公既不喜列擊紂躬何爲又教武王使定周命乎。文王既三以天下讓是以天下授殷矣。又安用此天子之位乎。武王乃反其父之成而滅亡之惡得無罪乎。

爭遣伐器何以行之並驅擊翼何以將之

爭遣伐器謂泰誓言羣后以師畢會也並驅擊翼謂六韜曰翼其兩旁疾擊其後言武王之軍人人樂戰並驅而進之也。問既云天與人歸又用兵征伐何也。

昭后成遊南土爰底厥利維何逢彼白雉

昭后成王孫昭王瑕成猶遂底至也。昭王南遊至楚楚人鑿其船而沉之遂不還杜預云昭王南巡守涉漢船壞而溺水按竹書紀年昭王之季荆人裨詞致於王曰願獻白雉昭王信之而南巡遂遇

善問昭之南遊本利白雉而迎之而卒以遇害何也

穆王巧梅夫何周流環理天下夫何索求

方言云梅貪賈生所謂品庶每生是也巧梅言巧於貪遊樂也事見竹書穆天子傳史記曰周穆王得驥溫驪騄騶耳之駒西巡狩樂而忘歸徐偃王作亂造父為穆王御長驅歸周以救亂環旋也左傳云穆王欲肆其心周行天下將必有車轍馬跡焉祭公謀父作祈招之詩以止王心王是以獲沒於祗宮問穆王好遊樂何為而周流無處不至乎其周流也果何所求乎

妖夫曳銜何號於市周幽誰誅焉得夫褒姒

曳牽引銜行且賣言夫婦相引行賣於市也按號於市者即今之叫呼而賣於市者褒姒周幽王之嬖妾昔夏后氏之衰有二龍止於夏庭而言曰余褒之二君也夏后布幣楮而告之龍亡而衆臣憤

而藏之傳三代莫敢發至厲王之末發而觀之
流於庭化為玄龜入王後宮後宮處妾遇之而孕
無夫而生女懼而棄之先時有童謠曰壓弧箕服
寔亡周國後有夫婦相牽引行貨是器於市者以
為妖怪執而戮之夜得亡去聞所棄女啼聲哀而
收之遂奔褒褒人後有罪乃入此女以贖罪是為
褒姒幽王惑而愛之為廢申后及太子宜臼而立
以為后遂為申侯犬戎所殺也事見國語問妖夫
何為而號於市幽王
何為而得褒姒乎

天^〇命反側何罰何佑齊桓九合卒然身殺^弑

反側言無常元命苞刀嘗為罰賞之對也佑佐助
九糾通用卒終也齊桓公任管仲九合諸侯一匡
天下任豎刁易牙諸子相攻死不得斂虫流出尸
臭見殺無異事見史記言天命倏佑之而牛耳中
原倏罰之而虫流出尸其反側
如是何也此痛楚之將亡也

彼王紂之躬孰使亂惑何惡輔弼讒諂是服

威封者內則姐已外則飛廉惡來之徒服事紂問孰使紂情輔弼不用忠直而專用讒諂之人乎

比干何逆而抑沈之雷開何順而賜封之

比干紂諸父諫紂紂怒乃殺之而剖其心雷開佞人阿順於紂乃賜之金玉而封爵之問紂何惡比干之逆而殺之何喜雷開之順而封之乎

何聖人之一德卒其異方梅伯受醢箕子佯狂

友術梅伯紂諸侯忠直而數諫紂紂怒乃殺之醢醢其身箕子見之欲去不忍遂被髮佯狂而為奴此異方也問湯以咸有一德之聖人而子孫如此何也

稷維元子帝何竺之投之於冰上鳥何燠之

郁

元大稷帝嚳之子棄也帝即嚳笑爾雅曰厚也與
驚同煥煖史記曰后稷名棄其母有郃氏女曰姜
嫄為帝嚳元妃出野見巨人跡說而踐之遂身動
如孕者居期而生子詩曰厥初生民時維姜嫄生
民如何克禋克祀以弗無子履帝武敏歆攸介攸
止載震載風載生載育時維后稷又詩曰不康禋
祀居然生子誕置之隘巷牛羊腓字之誕置之平
林會伐平林誕置之寒冰鳥覆翼之鳥乃去矣后
稷呱矣王註云姜嫄以無父而生棄之於冰上有
鳥以翼覆養溫之以為神乃取而養之詩曰先生
如達是首生之子也故曰元子問既維元子帝嚳
何不驚厚而乃棄之既棄而投之冰上鳥何為而
煥之乎

何馮弓挾矢殊能將之既驚帝切激何逢長之

馮弓弓持滿也按史記文王脫姜里之囚紂賜之
弓矢鉞鉞得專征伐書西伯戡黎祖伊奔告史記

崇侯虎諸西伯諸侯嚮之將不利帝其震驚切激也實甚問文王三分有二勢已過紂何為紂不急除之乃馮弓挾矢殊能行之而不礙幽岐之國終得遭逢久長也

伯昌號衰秉鞭作牧何令徹彼岐社命有殷國各

伯西伯昌周文王名號衰號令於殷世衰微之際也秉持鞭策作牧書舜典既月乃日覲四岳羣牧傳九州牧監周禮天官太宰九兩一曰牧以地得民註州長也秉鞭喻持政為雍州牧徹去也毀也社太王所立岐周之社武王既有殷國遂去岐周之社以為大社而有殷之天下猶漢初令民立漢社稷也問文王方秉鞭作牧三分有二扶殷之衰武王乃去岐社而受天命以有殷國何也

遷藏就岐何能依殷有惑婦何所譏

詩乃積乃倉之篇藏蓋藏也惑婦謂妲己問太王始與百姓徙其蓋藏來就岐下當奔走窮困時

能使其民依倚而隨之乎、紂惑一婦人、
何所可譏、而為武王興兵而滅之乎、

受賜茲醢、西伯上告何親就上帝、罰殷之命以不救、

西伯、文王、紂烹伯邑考、以賜文王、王食之、紂曰、孰
謂西伯聖人者乎、食其子而不知問、紂賜茲醢、西
伯既上告天帝矣、但西伯何能親見
天帝而致罰殷之命、遂以不救乎、

師望在肆、昌何識、鼓刀揚聲、后何喜、

師望、太師呂望、謂太公昌、文王、后亦謂文王、呂望
鼓刀在列肆、文王親往問之、呂望對曰、下屠屠牛、
上屠屠國、文王喜、載與俱歸、問太公在市肆而屠
文王何以能識乎、但聞其鼓刀之聲、文王何為而
喜乎、

武發殺殷、何所怙、載尸集戰、何所急、

尸謂木主也。悵憂不安也。史記武王東觀兵，至於天津，為文王木主，載以車，記曰：「祭祀之有尸也，宗廟之有主也，示民有事也。」尸，神像，以人為之，書序云：「康王既尸天子，則尸亦主也。」問武王發欲誅殷紂，何所稍悵而不能久忍，遂載文王之木主於軍中，以會戰，果何所急而然乎？

伯林雉經，維其何故？何感天抑墜，夫誰畏懼？

左傳：晉太子申生為後母所譖，縊於新城。國語：雉經於新城之廟，注頭槍而懸死也。王充云：申生雉經，林木震實，是申生雉經林中也。伯長謂太子也。感天抑地者，能感動天地，如左傳：狐突遇太子，又因巫者以見，皆是也。問太子雉經林中，維何故乎？申生之死而有靈如此，而又誰畏懼乎？此痛已之益也。

皇天集命，惟何戒之？受禮天下，又使至代之。

問皇天集祿命以與王者何不常有以戒之而使不敢爲惡乎王者既受天之禮命而王天下天又何爲任其爲惡而使他姓代之乎總收上夏商周相代事

初湯臣摯後茲承輔何卒官湯尊食宗緒

言湯初舉伊尹五就湯五就桀乃反復之凡臣耳後乃備承輔翼也官如官天下之官終使湯爲天子尊其先人以王者禮樂祭祀緒業於子孫也問伊尹反復之凡臣乃能官湯而尊食宗緒何也此痛已之不能爲伊尹也

勲闔夢生少離散亡何壯武厲能流厥嚴

勲功闔吳王闔廬夢闔廬祖父壽夢壽夢卒太子諸樊立諸樊卒傳弟餘祭餘祭卒傳弟夷末夷末卒當傳弟札札不受夷末之子王僚立闔廬諸樊之長子次不得爲王少離散亡放在外乃使專諸

刺王僚代為吳王以伍子胥為將破楚入郢是能
其猛厲勇武而流其威也事見史記圖廬以少
而離散在外之人乃能有吳國而流威嚴何也此
痛楚君之不能為圖廬也懷王見執於秦是散以
也

彭鏗斟雉帝何饗壽命永多夫何長

堯

彭鏗彭祖神仙傳姓錢名鏗帝顓頊之玄孫善養
性能調鼎進雉羹於堯堯饗之而封於彭城歷夏
經商至周年八百歲莊子以為上及有虞下及五
伯是也言堯非嗜味者饗其羹而封之何也命之
永長至八百之多何也此痛
已之年老而未能歸國也

中央共牧后何怒蠡蛾微命力何固

宋祁曰欲正四方先定中央中央中國也問中土
列國之君共治其民何故相怒而相爭乎蠡蛾之

命甚微、何以能自固乎、此痛楚之屢敗於秦也、

驚女采薇鹿何祐北至回水萃何喜感

驚、警也、言夷齊初不知采薇之非、聞女言而後警焉、猶言警於是女也、故曰警女、萃、止也、北至、以雷首在北也、按譙周史攷夷齊采薇有婦人難之、又文選劉峻辨命論、五臣註、夷齊采薇首陽、一女子曰、子義不食周粟、此亦周之毛也、乃不食而死、又廣博物志、夷齊餓於首陽、白鹿乳之、史類亦云、夷齊棄薇、有白鹿來乳、回水、河水回曲處也、首陽在蒲坂、華山北、河曲中、禹貢、河水至雷首下、屈曲而南、故曰河曲、曲即回也、摛甄子歌所謂北渡回也、又莊子、北至於首陽之山、問夷齊、既警於女而不食、鹿何為而祐之乎、諫武王而不聽、去之可也、又何喜於首陽而就止乎、此痛已之將為夷齊也、

兄有噬犬弟何欲易之以百兩卒無祿

兄謂秦伯噬犬、齧犬、弟秦伯弟鍼也、春秋昭公元年夏、秦伯之弟鍼出奔晉、晉語曰、秦后子來仕、其車千乘、后子即鍼也、王逸注、秦伯有噬犬、弟鍼請之、不與、以百兩金易之、又不聽、因逐鍼而奪其爵祿也、百兩、蓋謂車也、王以爲金誤矣、言兄有犬而弟欲之、何也、弟以百兩之車易之而不聽、又奪其祿、使奔他國、何也、此痛已之不肯達他國也。

薄暮雷電歸何憂厥嚴不奉帝何求

薄暮雷電、呵壁問時之景也、按三問外傳云、時呵而問之、天慘地愁、白晝如夜、正謂此也、嚴君求責也、問此時不歸、尚何所憂乎、有君而不得奉上帝果何責於我乎、意將死也、此痛已之將死而不得再事君也。

伏匿穴處爰何云荆勲作師夫何長

伏匿穴處、即既放江潭也、爰何云、言無可言說也、
作師、猶與師、荆楚、勲功也、史記懷王怒、大興師伐
秦、秦擊之、大破楚師於丹浙、懷王復怒、發國中兵
深入擊秦、戰於藍田、是也、問已之放棄江潭、何所
言說乎、楚方以興師為功、夫何能
久長乎、此痛楚之享國日蹙也、

悞過改更、我又何言、吳光爭國、久余是勝、欣

悞過改更、猶言異幸君之一悟、俗之一改也、若能
一旦改悔、則楚國可存、我又何言乎、楚昭王十年
吳伐楚、楚大敗、吳兵遂入郢、言吳於昔年早已勝
余、而况楚之今日、能當秦之強乎、楚未弱時、尚不
能當吳、今日楚已弱極、而秦之強非吳可比、能不
滅於秦乎、此痛楚之必滅於秦也、春秋昭二十三
年、秦人伐州來、為吳王僚八年、是時公子光帥右
師、定四年、吳入郢、為吳闔廬九年、闔廬即公子光
也、周元王三年、越滅吳、是
時吳滅久矣、追言往事也、

何環穿自閭社邱陵爰出子文

子文楚令尹闢穀於菟也左傳曰若敖娶於邲生
開伯比若敖卒從其母畜於邲淫於邲子之女生
穀於菟實爲令尹子文夫子稱其忠事見論語環
穿旋轉開鑿也內而閭社外而邱陵自中及外無
所不穿故曰自閭社邱陵也言安得旋轉開鑿夫
閭社邱陵而復出子文其人者以興楚乎見楚之
無人也此痛楚之不能
再出子文以見必亡也

吾告堵敖以不長

堵敖熊羆也楚文王子春秋莊十九年熊羆立二
十年其弟熊惲弑之代立故曰堵敖則已成君矣
楚人以不成君與無謚號者皆謂之敖前之若敖
霄敖已不可攻若見於春秋者如麋被弑稱邲放
以無謚號子干被弑稱訾敖以未成君兩義不同
則堵敖之敖亦祇以無謚號耳非未成君也然則

此堵教者、意謂懷王也、上言作師夫何長者、痛楚之享國日蹙、必滅於秦、此告以不長者、痛懷王之必客死於秦也、周赧王十六年、秦昭襄八年、懷王入秦、赧十九年、秦昭襄十一年、懷王卒於秦、

何試上自予忠名彌彰

試者、用也、嘗也、予、我、上、君也、言自我以忠諫用於君上、而國將亡矣、國忘而令我彌彰忠名何也、猶言使國家得敗亡之實禍、而使

我得忠諫之虛名、痛憤極矣、

此篇九段、前八段皆爲末一段作引、事之有無理之是非、物之變怪、三閭豈真昧昧哉、讒佞高張、忠賢菹醢、天地陰陽、何故如斯、千秋萬載之人、所欲同聲一問者也、問帝王之興亡、讀者已心印懷襄、

問后妃之貞邪、讀者已心印、鄭袖問人臣之賢、奸
讀者已心印、黨人是三閭之言、祇在天地山川、商
周唐虞、而人自得於瀟湘、注漢間也、至九段節節
言不盡意、又爽然自失矣、

天問校正附

曰遂古之初誰傳道之上下未形何由考之冥昭瞢闇誰能極之馮翼惟像何以識之明明闇闇惟時何爲陰陽三合何本何化

以上問溷沌之先大地初開之時也

圓則九重孰營度之惟茲何功孰初作之幹維焉繫天極焉加八柱何當東南何虧九天之際安放安屬隅隈多有誰知其數天何所沓十二焉分日月安屬列星安敷

以上問天地既形之後也

出自湯谷次於蒙汜自明及晦所行幾里日安不到
燭龍何照羲和之未揚若華何光

以上問日

夜光何德死則又育厥利維何而顧菟在腹

以上問月

何闔而晦何開而明角宿未旦曜靈安藏

以上問晦明也日月星辰皆天文也第一段

不任汨鴻師何以尚之僉曰何憂何不課而行之鳩

龜曳銜鮐何聽焉順欲成功帝何刑焉永遏在羽山
夫何三年不施伯禹腹鮐夫何以變化纂就前緒遂
成考功何續初繼業而厥謀不同洪泉極深何以竇
之地方九則何以墳之應龍何畫河海何歷鮐何所
營禹何所成康回憑怒墜何故以東南傾

以上問鮐禹治水之事也第二段

九州安錯川谷何洿東流不溢孰知其故東西南北
其修孰多南北順隳其衍幾何崑崙縣圃其尻安在
增城九重其高幾里四方之門其誰從焉西北辟啟

何氣通焉何所冬暖何所夏寒

以上問地也第三段

焉有石林何獸能言焉有龍虬負熊以遊雄虺九首
儵忽焉在何所不死長人何守女岐無合夫焉取九
子伯強何處惠氣安在靡蓰九衢泉華安居靈蛇吞
象厥大何如黑水玄趾三危安在延年不死壽何所
止白蜺嬰茀何爲此堂安得夫良藥不能固藏天式
從橫陽離爰死大鳥何鳴夫焉喪厥體蓰號起雨何
以興之撰體脅鹿何以膺之鼈戴山抃何以安之釋

荆陵行何以遷之鯨魚何所魋堆焉處羿焉踰日烏焉解羽

以上問山川人物奇怪之類也第四段厥萌在初何所意焉璜臺十成誰所極焉

此段起下文女帝虞夏商周歷代之興廢也

登立爲帝孰道尚之女媧有體孰制匠之舜閔在家父何以鰥堯不姚告二女何親舜服厥弟終然爲害何肆犬豕而厥身不爲敗干協時舞何以懷之平脅曼膚何以肥之眩弟並淫危害厥兄何變化以作詐

而後嗣逢長

以上上古之事第五段

禹之力獻功降省下土方焉得彼塗山女而通之於
台桑閔妃匹合厥身是繼胡爲嗜不同味而快鼃飽
故代益作后卒然離蠶何故惟憂而能拘是達皆歸
歟獨而無害厥躬何后益作革而禹播降咸播秬黍
鬲翟是營何由并投而魴疾修盈

以上夏禹父子事三代皆禪賢而禹獨傳子意言
禹之德既能傳子而不能掩父之惡何也

啓棘實商九辨九歌何勤子毒母而死分竟地該秉
季德厥父是臧胡終弊於有虐牧夫牛羊有扈牧豎
云何而逢擊牀先出其命何從帝降夷羿革孽夏民
胡歟夫河伯而妻彼雒嬪馮珧利決封豨是歟何獻
蒸肉之膏而后帝不若浞娶純狐眩妻爰謀何羿之
歟革而交吞揆之惟澆在戶何求於嫂何少康逐犬
而顛隕厥首女岐縫裳而館同爰止何顛易厥首而
親以逢殆湯當作謀易旅何以厚之覆舟斟尋何道
取之桀伐蒙山何所得焉妹嬉何肆湯何亟焉阻窮

西征巖何越焉化爲黃熊巫何活焉

以上皆夏一代事西征四句總結上文第六段

簡狄在臺嚳何宜玄鳥致貽女何喜恒秉季德焉得
夫朴牛何往營班祿不但還來成湯東巡有莘爰極
何乞彼小臣而吉妃是得水濱之木得彼小子夫何
惡之媵有莘之婦緣鵠飾玉后帝是饗何承謀夏桀
終以滅喪帝乃降觀下逢伊摯何條放致罰而黎服
入悅湯出重泉夫何辜尤不勝心伐帝夫誰使挑之
初湯臣摯後茲承輔何卒官湯尊食宗緒何聖人之

德卒其異方梅伯受醢箕子詳狂彼王紂之躬孰
使亂惑何惡輔弼讒諂是服北干何逆而抑沈之雷
開何順而賜封之昏微遵跡有狄不寧何繁鳥萃棘
婦子肆情

以上皆商事第七段

稷維元子帝何竺之投之於冰上鳥何煥之遷藏就
岐何能依殷有惑婦何所譏伯昌號衰秉鞭作牧何
令徹彼岐社命有殷國何馮弓挾矢殊能將之既驚
帝激切何逢長之受賜茲醢西伯上告何親就上帝

罰殷之命以不救師望在肆昌何識鼓刀揚聲后何
喜武發殺殷何所悒載尸集戰何所急會鼂爭盟何
踐吾期蒼鳥群飛孰使萃之列擊紂躬叔旦不嘉何
親揆發定周之命以咨嗟授殷天下其位安施反成
乃亡其罪伊何爭遣伐器何以行之並驅擊翼何以
將之穆王巧梅夫何周流環理天下夫何索求昭后
成遊南土爰底厥利維何逢彼白雉妖夫曳銜何號
於市周幽誰誅焉得夫褒姒皇天集命惟何戒之受
豐人下又使至代之

以上周一代事也皇天四句總收上女帝虞夏商
周歷代之興廢也第八段

中央共牧后何怒蠡蛾微命力何固

中央諸牧各君其國何爲相怒而戰爭乎蜂蛾之
命甚微其力何爲能自固其巢穴乎此節總起末
段兼痛楚之屢敗於秦也

吳獲迄古南嶽是止孰期去斯得兩男子勲閨夢生
少離散亡何壯武厲能流厥嚴

以上吳事言吳由楚而興猶能破楚痛懷王之不

能爲闔廬也

彭鏗斟雉帝何饗壽命永多夫何長

此痛已之年老而未能歸國也

天命反側何罰何佑齊桓九合卒然身殺

此痛楚之忽霸忽亡也

驚女採薇鹿何祐北至回水萃何喜

此痛已之將爲夷齊也

兄有噬犬弟何欲易之以百兩卒無祿

此痛已之不肯適他國也

伯林矩經維其何故感天抑墜六誰畏懼
此痛已之死而無益也

薄暮雷電歸何憂厥嚴不奉帝何求

此痛已之將死而不得再事君也

伏匿穴處爰何云荆勲作師夫何長

此痛楚之享國日蹙也

悞過改更我又何言吳光爭國以余是勝

此痛楚之必滅於秦也

何環穿自閤社邱陵爰出子文

此痛楚之不能再出于文以見必亡也

吾告堵敖以不長

此痛懷王之客死於秦也

何試上自予忠名彌彰

此痛國家得敗亡之實禍而已得忠諫之虛名也

第九段